

Inuussutissarsiornermi nappaataalersartut 1. januar 2005 sioqqullugu nalunaarutigineqartut allattorsimaffiat pillugu nalunaarut

Sulinermi ajoqusernerit kingunerisassaannut isumannaarinermik inatsimmi § 10, imm. 1, nr. 1, oqaaseqatigiit pingajuat, tak. inatsimmik nalunaarut nr. 943, 16. oktober 2000-meersoq aamma sulisilluni ajoqusernerit kingunerisassaannut isumannaarinermik inatsisip Kalaallit Nunaanni atuutilersinneqarneranik peqqussummi nr. 273, 24. april 2001-meersumi § 11, imm. 1, nr. 1 naapertorlugit makku aalajangersarneqarput:

§ 1. Nappaat inuussutissarsiornermi nappaataalersutut akuerineqarsinnaassappat, tak. inatsimmi § 10, imm. 1, nr. 1, aalajangersakkat nalinginnaasut makku naammassineqassapput:

- 1) Ajoqusiisinnaasunit sunnertinnerup nappaatillu sakkortussusiat qaqugukkullu pinerat sunnertinnerup nappaatillu ataqatigiinnerat pillugu uppersaatinut naapertuutissapput.
- 2) Nappaatip suussusia sunnertinnerup nappaatillu suussisiisa ataqatigiinnerat pillugu uppersaatinut naapertuutissapput.
- 3) Nappaat sulinerinnaangitsumit pissutsinilli allanit pissuteqarneruneranik ilimanarsititsisumik paasissutissiisoqassanngilaq, tak. sulinermi ajoqusernerit kingunerisassaannut isumannaarinermik inatsimmi § 11, imm. 1.

Imm. 2. Pissutaasut sulinermit tunngaveqanngitsut nappaammut pissutaasorineqarpata pissutaasut allanguuteqarsinnaanerit najoqqutaralugu nappaat inuussutissarsiornermit nappaataalersutut akuerineqassaaq, tak. inatsimmi § 12, imm. 2. Taarsiinissap nalilernerani inuussutissarsiornermit sunniut napparsimalissutaasoq kisimi taarsiinermik kinguneqassaaq, tak. inatsimmi § 26.

Imm. 3. Aammattaaq immikkut piumasaqaatit allattuiffimmi immikkoortuni ataasiakaani taaneqartut naammassineqassapput, takukkit immikkoortut 1 aamma 2, kiisalu takusinnaavat ilanngusaaq 3-mi oqaatsinik ujarliutit.

§ 2. Nalunaarut manna atuutilersinneqarpoq 1. februar 2015.

Imm. 2. Nalunaarut 1. februar 2015-imiit atorneqaslissaaq nappaat 1. januar 2005 sioqqullugu nalunaarutigineqartoq inuussutissarsiornermit nappaataalersutut akuerineqarsinnaanera pillugu aalajangiinnermi aamma inatsimmi § 24 malillugu suliap suliarineqalernerani malinneqassaaq.

Imm. 3. Taamaalilluni inuussutissarsiornermi nappaataalersartut 1. januar 2005 sioqqullugu nalunaarutigineqartut allattorsimaffiat pillugu nalunaarut nr. 1225, 24. oktober 2013-meersoq atorunnaarsinneqarpoq.

Imm. 4. Nalunaarut manna aalajangikkanut nalunaarutip matuma atuutilinnginnerani Arbejdsskade styrelsimit aalajangerneqartunut Ankestyrelsimullu suliaassanngortinneqartunut taamatutaaq atuutissaaq. Taannali atuutissanngilaq akuerinninnissamut maannamut piumasaqaatit nalunaarutikkut sakkortusisinneqarsimappata.

Arbejdsskadestyrelsen, ulloq 13. januar 2013

MERETE AGERGAARD

/ Tor Even Münter